

VENDIM
Nr. 655, datë 7.8.2013

**PËR HEQJEN NGA FONDI KULLOSOR TË SIPËRFAQES NË NGASTRAT E EKONOMISË
KULLOSORE “MALI I RRENCIT - KAKARRIQ”, LEZHË, QË DO TË PËRDORET NGA
SHOQËRIA “COLACEM ALBANIA” SHPK, PËR SHFRYTËZIMIN
E GURIT GËLQEROR**

Në mbështetje të nenit 100 të Kushtetutës, të pikës 1 të nenit 10 të ligjit nr.9693, datë 19.3.2007 “Për fondin kullor”, të ndryshuar dhe në vijim të vendimit nr. 1374, datë 10.10.2008 të Këshillit të Ministrave “Për përcaktimin e rregullave dhe të procedurave që ndiqen për heqjen, shtimin dhe ndryshimin e fondit kullor”, me propozimin e Ministrit të Ekonomisë, Tregtisë dhe Energjetikës e të Ministrit të Mjedisit, Pyjeve dhe Administrimit të Ujërave, Këshilli i Ministrave

VENDOSI:

1. Sipërfaqet në ngastrat 4, 5/a, 5/b dhe 6 të ekonomisë kullimore “Mali i Rrencit - Kakarriq”, Lezhë, gjithsej 95 (nëntëdhjetë e pesë) ha, që do të përdoren nga shoqëria “Colacem Albania” sh.p.k., për shfrytëzimin me karrierë të gurit gëlqeror në vendburimin “Mali i Kakarriq”, të hiqen nga fondi kullor dhe Kadastra Kombëtare e Pyjeve dhe Kullotave, sipas tabelës 1 dhe hartës përkatëse, që i bashkëlidhen këtij vendimi.

2. Heqja nga fondi kullor dhe dhënia në përdorim shoqërisë “Colacem Albania” sh.p.k., të bëhet me pjesë, sipas madhësisë së sipërfaqes së miratuar në planin vjetor të punimeve të parashikuara në projekt.

Zyra e Regjistrimit të Pasurive të Paluajtshme, pasi të përcaktohen në terren dhe në hartë kufijtë e rinj të Fondit Kullor Kombëtar, që rezultojnë nga heqja e sipërfaqeve të këtyre ngastrave sipas pikës 1, të këtij vendimi, bën çregjistrimin e saj nga kategoria “Tokë e zënë, kullotë” dhe e regjistron në “Tokë e zënë, objekt shfrytëzimi me karrierë të gurit gëlqeror” sipas kondicioneve të projektit të parashtruar dhe planimetrisë bashkëlidhur, në përputhje me vendimin nr. 1374, datë 10.10.2008 të Këshillit të Ministrave “Për përcaktimin e rregullave dhe të procedurave që ndiqen për heqjen, shtimin dhe ndryshimin e fondit kullor”.

3. Shoqëria “Colacem Albania” sh.p.k., detyrohet të rehabilitojë sipërfaqen e marrë në përdorim sipas kushteve të përcaktuara në pikën 2 të këtij vendimi. Të ndërpriten dhënia në përdorim e pjesës tjetër dhe vazhdimi i punimeve në vitin pasardhës në qoftë se shoqëria “Colacem Albania” sh.p.k., nuk ka kryer rehabilitimin e sipërfaqes së shfrytëzuar më parë.

4. Vlera e sipërfaqes kullimore të hequr dhe e infrastrukturës së saj paguhet nga shoqëria “Colacem Albania” sh.p.k., në bazë të lidhjes 4 bashkëlidhur vendimit nr. 1064, datë 22.12.2010 të Këshillit të Ministrave “Për disa ndryshime në vendimin nr. 391, datë 21.6.2006 të Këshillit të Ministrave “Për përcaktimin e tarifave në sektorin e pyjeve dhe të kullotave””.

5. Me hyrjen në fuqi të këtij vendimi, shoqëria “Colacem Albania” sh.p.k., të përmirësojë me fondet e veta, brenda 3 (tri) viteve, 95 (nëntëdhjetë e pesë) ha, fond kullor, në ngastrat e përcaktuara nga drejtoria përkatëse e shërbimit pyjor në bashkërendim me komunën Balldre.

Mënyra e përmirësimit të kullotës, grafiku i punimeve caktohen nga drejtoria përkatëse e shërbimit pyjor dhe komuna Balldre, të cilat ndjekin punimet deri në marrjen në dorëzim me procesverbal të sipërfaqes së përmirësuar, sipas marrëveshjes që do të lidhet me kërkuesin.

6. Me përmbushjen e detyrimeve të përcaktuara në planin e rehabilitimit të sipërfaqes nga shoqëria “Colacem Albania” sh.p.k., sipërfaqja e rehabilituar të hiqet nga kadastra minerare dhe të reregjistrohet fond pyjor dhe kullor sipas mënyrës së rehabilitimit.

7. Ngarkohen Ministria e Mjedisit, Pyjeve dhe Administrimit të Ujërave, Ministria e Ekonomisë, Tregtisë dhe Energjetikës, komuna Balldre dhe Kryeregjistruesi i Pasurive të Paluajtshme të Republikës

së Shqipërisë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

Tabela 1

Nr.	Emërtimi i ekonomisë	Ngastra	Sipërfaqja që hiqet, ha	Përdorimi i territorit	Forma e qeverisjes	Funksioni kryesor	Pronësia
1	EK. Mali i Rrencit-Kakarriq	4	14.000	Kullotë	Kullotë	Kullotë	Komuna Balldre
2	EK. Mali i Rrencit-Kakarriq	5/a	50.000	Kullotë	Kullotë	Kullotë	Komuna Balldre
3	EK. Mali i Rrencit-Kakarriq	5/b	0.000	Kullotë	Kullotë	Kullotë	Komuna Balldre
4	EK. Mali i Rrencit-Kakarriq	6	31.000	Kullotë	Kullotë	Kullotë	Komuna Balldre
	Totali		95. 000				



POZA E NERIMAR PER L&B SHKUTIM "COLASO ALBANA"
Shkupit 100 ha

Koordinatat e ndave

NO	X	Y	NO	X	Y
1	4 384 663.00	4 634 142.36	16	4 386 386.61	4 634 793.79
2	4 384 930.00	4 636 600.00	17	4 386 312.77	4 634 763.77
3	4 385 073.00	4 636 356.00	18	4 386 348.76	4 634 743.70
4	4 384 833.00	4 636 200.00	19	4 386 176.55	4 634 776.39
5	4 385 388	4 635 802	20	4 386 401.92	4 634 711.44
6	4 385 398	4 635 567	21	4 386 408.25	4 634 706.39
7	4 385 569	4 635 744	22	4 386 476.46	4 634 648.58
8	4 385 822	4 635 359	23	4 386 429.18	4 634 629.80
9	4 385 816	4 635 331	24	4 386 525.02	4 634 598.15
10	4 385 875.00	4 635 120.00	25	4 386 547.97	4 634 635.89
11	4 386 046.00	4 635 158.00	26	4 386 609.78	4 634 636.44
12	4 386 137.73	4 634 576.61	27	4 386 574.39	4 634 622.16
13	4 386 193.70	4 634 880.78	28	4 386 545.00	4 634 646.00
14	4 386 253.46	4 634 836.65	29	4 384 735.00	4 636 470.00
15	4 386 263.89	4 634 824.60	30	4 384 357.79	4 636 887.65